

ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОИЙ - СИЁСИЙ ГАЗЕТАСИ

№ 8 (10.061)

2004 ЙИЛ 13 ЯНВАРЬ

ЯНГИ МАРКАЗ БИЛАН ТАНИШУВ

XXI саҳифаси
Барча маълумотлардан
олинган сўнгги хабарлар

Мамлакатимиз Президенти Ислон Каримов раҳбарлигида Куролли Кучларимизда амалга оширилаётган туб ислохотлар туфайли миллий армия шаклланди. Ёшларнинг ҳарбий соҳаларга қизиқиши тобора ортмоқда.

Ватан ҳимоячилари куни арафасида, 12 январь куни давлатимиз раҳбари Ўзбекистон Республикаси Куролли Кучларининг яқинда иш бошлаган Моделлаштириш ва симуляция бўйича информацион технологиялар махсус марказига таширф буюрди.


Марказ энг замонавий техника ва технологиялар билан жиҳозланган. Президентимиз бу ерда яратилган шарт-шароитдан мамнун бўлди.

Айни пайтда марказда Ўзбекистон Куролли Кучлари академияси тингловчилари малака оширмоқда. Махсус дастурга мувофиқ сержантлар тайёрлаш мактаблари, олий ҳарбий билим юртлари курсантлари ҳам бу ерда ўз малакасини оширади.

Ушбу марказнинг ташкил этилиши узокни кўзлаб амалга оширилган ишдир, - деди Ислон Каримов. - Шундай экан, ўрта бўғин командирлари бу ерда таълим олиши шарт.

Президентимиз зирхли машиналар тренажёрларини кўздан кечирди. Ўқув жараёни ва амалий машғулотларнинг натижалари билан қизиқди. Курсантлар билан суҳбатлашди.

Ватанимиз, ҳалқимиз сиз каби ўқтам, азми қатъий йигитларга ишонади, - деди Юртбошимиз. - Командир ҳар томонлама комил инсон бўлмоғи лозим. Шундай экан, ҳарбийга қақриллаётган ёшларимиз жисмоний ва маънавий жиҳатдан баркамол бўлмоғи даркор.



Мустақил Давлатлар Ҳамдўстлигида ягона ҳисобланган мазкур марказ ҳарбийларимизнинг ўқув-тактик машғулотлар ва жанговар операцияларни моделлаштиришни ўрганишида, замонавий информацион технологияларни ўзлаштиришида муҳим аҳамиятга эга маскан бўлиб қолади.

Воҳид ЛУҚМОН,
ЎЗА мухбири

ПОЙТАХТНИНГ Бир кўни Янгиликлар, воқеалар ҚИСҚА

● **ЭРТАГА** Миробод ва Чилонзор туманларида жойлашган ҳарбий қисмларда Ватан ҳимоячилари кўнига бағишланган байрам тадбирлари бўлиб ўтди.

● **ЭРТАГА** Низомий номидаги Тошкент Давлат педагогика университети қошидаги академик лицейда «Махалла» жамғармаси, «Маънавият ва маърифат» маркази, «Камолот» ёшлар ижтимоий ҳаракати, «Оила ва аёл» маркази ҳамда Яққасарой туман ҳокимлиги ҳамкорликларида Ватан ҳимоячилари кўни муносабати билан тадбир ўтказилди.

● **ЎЗБЕКИСТОН** Фанлар академиясининг Фалсафа ва ҳуқуқ институтида Япония маданияти кўнлари

доирасида «Ўзбекистон - Япония мамлакатларининг узаро ҳамкорлиги» мавзусида ташкил этилган анжуманда кўнчиқар мамлакатнинг юртимиздаги элчиҳонаси ходимлари ҳам иштирок этишди.

● **КЕЧА** Бектемир туманидаги 293-мактабда юқори синф ўқувчилари ҳамда ҳарбий хизмат ёшидаги ўсмирлар иштирокида уюштирилган тадбир «Мардлар қўриқлайди Ватани» деб номланди.

● **МИРОБОД** маҳалласида фаоллар ташаббуси билан кам таъминланган оилалар фарзандлари, ногирон болалар иштирокида хайрия тадбири уюштирилди.

● **МЕҲР** ва мурувват йили муносабати билан

Ҳамза туманидаги «Тарновбоши» маҳалласида ташкил этилган тадбирда 250 нафар кам таъминланган оилалар фарзандларига «Замондош» театри актёрлари ижросидаги томошалар намойиш этилди.

● **ХОРИЖЛИК** ҳамкасблари билан ҳамкорликни яхши йўлга қўйган Ўзбекистон Фанлар академиясининг шарқшунослик илмий-теқшириш институти олимлари томонидан тайёрланган шарқшуносликка оид бир неча илмий-оммабоп китоблар Франция, Англия, АҚШда француз ва инглиз тилларида чоп этилди.

● **МАМЛАКАТИМИЗ** иқтисодиёти ривожига муҳим ҳисса қўиш мақсадида Осиё тараққиёт банки ташаббуси билан шахримизда мазкур банкнинг кредит линияси фаолият бошлади.

Тошкент шаҳар ҳокимлиги, Матбуот хизмати ва ўз мухбирларимиз хабарларидан.

14 январь — Ватан ҳимоячилари кўни

ШАРАФЛИ БУРЧ

Мамлакатимизда «Оммавий ватанпарварлик тадбирлари ойлиги» давом этмоқда. Тошкент олий умумқўшин кўмондонлик билим юртида ўтган учрашувда ҳарбийлар, тегишли вазирлик ва идоралар, жамоатчилик вакиллари иштирок этди.

Меҳмонлар курсантларимиз ҳаёти, билим юртимизда уларнинг пухта билим олиши учун яратилган шароит билан яқиндан танишди, - дейди ўқув юртининг тарбиявий ишлар бўйича бўлим бошлиғи, подполковник Алишер Худайбердиев. - Мақсадимиз Ўзбекистон Куролли Кучлари сафига ҳар томонлама етук офицерлар тайёрлаб беришдан иборат.

Учрашув бадийи жамоаларнинг чиқиши билан якунланди.

ЎЗА

Мамлакатимизда

● Ўзбекистон Республикаси Куролли Кучлари Марказий музейида Армия бадийи ижодиёти IV-кўргазмаси очилди.

● Бухоро вилояти Бизнес марказида Хиндистоннинг «Серверс импекс» компаниясида тайёрланган технологик линияларнинг кўргазмаси очилди.

● Меҳр ва мурувват йилининг дастлабки кўнларида Чимбой туманидаги «Кенгес» ширкат хўжалигида аҳоли талабларига тўла жавоб берадиган замонавий шифо маркази ишга тушди.

● Кумкўрғон туманидаги «Олтин чигит» Ўзбекистон-Греция кўшма корхонаси жамоаси шу кунга қадар 9 минг тонна уруғлик чигитни экви мавсумига шай қилиб қўйди.

● Янги йилда Наманган вилоятининг Поп туманидаги Халқобод шаҳарчаси, Фурумсарой ва Санг қишлоқларида бир йўла 3 та касб-хунар коллежлари очилди.

● Бухоро вилояти Олот туманининг энг чекка — Мурғак қишлоғидаги 300 дан зиёд хонадонда табиий газ ёна бошлади — «Олотгаз» корхонаси жамоаси қишлоқ ҳудудида 4 километрлик газ қувури тортиди.

Жаҳонда

● Кения пойтахти Найроби шаҳрида Африка мамлакатлари, биринчи навбатда Сомалидаги аҳолининг муҳокамасига бағишланган саммит бўлиб ўтди.

● Куба маъмурлари Интернет тармоғидан фойдаланишни чеклайдиган янги қонун қабул қилдилар.

● Хитойнинг Гуанчжоу шаҳрида гайриоддий зотилжам қасаллигига чалинган яна бир 35 ёшли шахс аниқланди. Бутун жаҳон соғлиқни сақлаш ташкилоти ва Хитой соғлиқни сақлаш вазирлиги вакиллари унда хасталикнинг қандай келиб чиққанлиги юзасидан батафсил текширув ўтказдилар.

● Кемероводаги 170 метр чуқурликда жойлашган «Сибирь» шахтасида метан газининг портлаши натижасида 5 киши ҳаётдан кўз юмди, 16 киши турли даражадаги тан жароҳатларини олди. Лекин портлаш натижасида юзага келган ёнгини бартараф этишнинг иложи бўлмапти.

● Англия пойтахтидаги Хитроу аэропортида портлаш содир этишни режалаштирган террорчи камикадзе қўлга олинди.

● АҚШ Ироқнинг собиқ диктатори Саддам Хусейнга ҳарбий асир мақоми берилганини билдирди. Энди унга нисбатан Женева конвенциясига мувофиқ равишда муносабатда бўлинади.

ЁШЛАР ВА ҲАРБИЙ- ВАТАНПАРВАРЛИК

Ёшларни она-Ватанга, миллий истиқлол гоёлига олиб сadoқат, ҳарбий-ватанпарварлик руҳида тарбиялаш «Камолот» ёшлар ижтимоий ҳаракати фаолиятининг муҳим йўналишларидандир.

— Ёшлар ташкилоти ҳарбий-ватанпарварлик соҳасидаги фаолиятини бир неча йўналишда олиб борапти, — деди «Камолот» ёшлар ижтимоий ҳаракати марказий кенгаши халқаро алоқалар, ҳуқуқий масалалар, ҳарбий-ватанпарварлик ва спорт бўлими мудири Т.Арслонов ўЗА муҳбирига. — Бу борадаги тарбия-ташвиқот ишларининг биринчи босқичида умумтаълим мактаблари, академик лицей ва касб-хунар коллежлари ўқувчилари қамраб олинаётди.

Уларни Қуролли Кучлар савига тайёрлашга жиддий эътибор қаратилмоқда.

Ҳарбийлар иштирокидаги турли тадбирлар, ҳарбий амалий-техник спорт турларини ривожлантириш борасидаги ишлар бу йўналишдаги фаолиятимизнинг асосий бўлинидир. Бу тадбирлар Мудофаа, Ички ишлар, Халқ таълими, Олий ва ўрта махсус таълим, Соғлиқни сақлаш вазирликлари, Ўзбекистон мудофасига кўмаклашувчи «Ватанпарвар» ташкилоти, Давлат жисмоний тарбия ва спорт қўмитаси каби ташкилотлар билан яқин ҳамкорликда олиб борилаётди.

Анъанавий тарзда ўтказиб келинаётган «Шунқорлар» ҳарбий-спорт мусобақаларида умумтаълим мактаблари, касб-хунар коллежлари ва академик лицей ўқувчилари фаол иштирок этмоқда. Утган йили бундай тадбирларда ўз эллик минг нафардан зиёд йигит-қиз қатнашди. Мусобақа жараёнида ўқувчи ёшлар жанговар ҳарбий-спорт йўналишидаги беллашувлардан ташқари, ҳуқуқий билим юзасидан ҳам куч синашди.

«Камолот» ёшлар ижтимоий ҳаракати Тошкент шаҳар ва Самарқанд вилоят кенгашилари томонидан «Мен аскар бўламан» мавзuida ўтказилган тадбирларда ўқувчилар Қуролли Кучлар тартиб-қоидалари асосида қазармаларда яшаб, жанговар техника, ҳарбий хизматчиларнинг қундалиқ турмуш тарзи билан яқиндан танишди.

Жойларда ҳарбий хизматга қузатиш, қасамд қабул қилиш маросимларини ота-оналар, маҳалладошлар, кенг жамоатчилик иштирокида тантанали руҳда ўтказиш яхши анъанага айланиб бормоқда.

Айни кунларда 14 январь — Ватан ҳимоячилари кўни олдидан ҳарбий қисмларда, сержантлар тайёрлаш мактабларида уруш ва меҳнат фахрийлари, танкичи ёзувчи ва шоирлар, санъаткорлар, турли соҳаларнинг етуқ намондалари иштирокида байрам тадбирлари ўтказилляпти. Жумладан, «Камолот» ёшлар ижтимоий ҳаракати томонидан Хоразм вилоятидан хизматга қақрилган аскарларнинг оналари иштирокида ўтказилган «Аскар оналари сёёти» йиғилганларда катта таассурот қолдирди.

Айни вақтда жойларда ҳарбий соҳада самарали фаолият юритиб, тенгдошларига намуна бўлаётган ва мамлакатимиз мустақиллигининг 12 йиллиги муносабати билан «Ўзбекистон белгиси» кўкрак нишонига сазовор бўлган ёшларга ушбу мукофотни топшириш тантанали маросимлари бўлиб ўтмоқда.

Б.ХИДИРОВА,
ўЗА муҳбири

14 январь — Ватан ҳимоячилари кўни

ҲАРБИЙ ОРКЕСТР САДОЛАРИ ЯНГРАГАНДА...

Ўзбекистон Республикаси Мудофаа вазирлигининг алоҳида намунали-кўргазмали ҳарбий оркестри МДХ мамлакатлари ҳарбий музикаси жамоалари ўртасида энг нуфузлиларидан бири сифатида эътироф этилган. Юртимизга ташриф буюраётган олий мартабали меҳмонларни айнан ана шу ижодий жамоа тантанавор музика — давлатлар мадҳияси садолари билан кутиб олади, бошқа расмий маросим ва байрамларда ҳам фаол иштирок этади.

Оркестрда олти нафардан зиёд профессионал ҳарбий музикачи хизмат қилмоқда.

Оркестримиз нафақат олий даражадаги расмий маросимларда, балки ҳарбий жамоаларда, ўқув юртларида, истироҳат боғларида концертлар ўтказиб туради, — деди унинг дирижёри, лейтенант Қосимжон Отамирзаев ўЗА муҳбирига. — Репертуаримиздаги «Шодлик марши», «Ўзбекистон Республикаси

Қуролли Кучларининг марши», «Амир Темур марши», «Шодийна» концерт асари ва бошқалар, айниқса, музика иқлосмандлари томонидан илқ кутиб олинмоқда.

Истиқлолимиз қасидаси — Ўзбекистон Республикаси давлат мадҳияси жамоа ижросида алоҳида кўтаринкилик билан янграйди. Қолаверса, турли давлатларнинг мадҳиялари, жаҳон классикаларининг машҳур

асарларини ҳам оркестримиз зўр маҳорат билан ижро этади.

Унинг 1997 йили Америка Қўшма Штатларида ўтган концерт дастури юртимиз музика санъатининг ҳарбий-ватанпарварлик мавзuidaги йўналиши нечоғлиқ юксак эканини намойиш этди. Жамоамиз ижросидаги миллий фольклор куйларимиз олқишлар билан кутиб олинди. Оркестримиз икки бора Германиядаги ҳарбий музика фестивалга таклиф этилди. Унинг Буюк Британия муҳандис қўшинларининг Қироллик оркестри, Германия Ҳарбий ҳаво кучлари оркестри билан ҳамкорликдаги концертлари муваффақият билан ўтди.

Оркестримиз доимий изланишда, — дейди жамоанинг бадий раҳбари, полковник Павел Макаров. — Шу кунларда Ватан ҳимоячилари кўнини нишонлашга қизғин ҳозирлик кўрмоқдамиз. «Ўзбекистон кўшиқ байрами» кўрик-танловидан ҳам қатнашамиз. Май ойида эса оркестримиз анъанавий ҳисобот концертини намойиш қилади.

ўЗА

Янги йил шўқуқи

КЎНГИЛЛАР ҚУВОНЧГА ТЎЛДИ

Мамлакатимизда қадимдан меҳр-муруватга муҳтож инсонларга саховат кўрсатиб, ҳамisha қўллаб-қувватлаб келинади.

Яқинда Юнусобод туман ҳокимлиги, туман Ички ишлар бошқармаси ҳамкорлигида «Камолот» ёшлар ижтимоий ҳаракати туман бўлими ташаббуси билан 31, 21-меҳрибонлик ўйларига байрам тадбири ўтказилди. Бу ерда тарбияланувчилар учун Янги йил арчаси безатилиб, Қорбобо ва Қорқизнинг қизикарли томошалари намойиш қилинди. Болаларлар кўркам арча атрофида дилдан қўллаб, қувнашиб, кўнгиллари бир олам қувончга тўлди.

Тадбир сўнида болаларга ташкилотчилар томонидан совғалар улашилди.

Жамиятимиз негизи бўлимиш ёшларни соғлом, баркамол этиб тарбиялашда ташаббускор ташкилотлар томонидан ўтказилаётган бу каби хайрли тадбирлар тобора кенг қанот ёзмоқда.

Юлдуз УСМОН



— Айтингчи, нега айнан мини техникалар ишлаб чиқаришни йўлга қўйгансиз...

— Асли мутахассислигим муҳандис-иктисодчи бўлиб, «суягим» ишлаб чиқариш корхоналарида қотган. Корхонамиз эса иқтисодиётимизга самарали ҳисса қўшиш мақсадида мустақиллигимиз билан барабар ташкил этилган бўлиб, ҳозирги кунда изланишларимиз туфайли асосан қишлоқ хўжалик маҳсулотларини қайта ишлашга мўлжалланган кичик техникалар ишлаб чиқармоқдамиз. Бизни мамнун қиладиган томоним шундаки, масалан биргина макарон ишлаб чиқаришга мўлжалланган машинамизни сотиб олган тадбиркор 5-6 нафар фуқарони иш билан таъминлайди. Узоғи билан саккиз ойларда дастгоҳнинг пули қопланади. Шу ҳисоб-китобнинг ўзи ҳам ишимизни тўғри танлаганимизни билдирса керак, деб ўйлайман.

— Евгений Витальевич, айтингчи, тадбиркорга сармоя бўлса кифоями?

— Шундай фикрлаганлар катта хато қиладилар. Тадбиркор ҳаммаша олдинда бориши, ўз билим ва маҳоратини ошириши керак. Менимча, тадбиркор етуқ инсон бўлиши, иш кўзини билиши, албатта ҳуқуқий билимга эга бўлиши керак. Тўғри, янги ташкил этилган кичик корхона ёки микрофирмада ишни бир маромда йўлга қўйиш учун дастлабки сармоя муҳим аҳамият касб этади. Шу билан бирга, тадбиркорга гоё, интилиш, билим жуда зарур ҳамда у ўз устида доимо ишлаши кераклигини ёдда тутиши зарур деб ўйлайман.

— Корхонангизда ишлаб чиқарилаётган маҳсулотларга тўхталсангиз.

— Бугунги кунга келиб аҳил жамоамизнинг 50 нафарга яқин ишчи-хизматчилари томонидан 20 хилдан ортик

сифатли мини техника ва технологиялар ишлаб чиқарилмоқда. Булар масалан, «МК-95» тегирмон мажмуи бир

Ишчиликка толе ёр

ТОМЧИДА ҚУЁШ АКС ЭТАДИ

Пойтахтимизда ўтказиладиган кўрик-танлов, ярмаркаларда ўз маҳсулотлари билан қатнашадиган «ТЭКиК» масъулияти чекланган жамиятининг иш фаолияти, унинг малакали ишчи-хизматчилари томонидан чиқарилаётган сифатли, рақобатбардор, фойдаланишда жуда қулай ва оддий, хорижикидан ҳеч ҳам қолшимайдиган, бундан ташқари нисбатан арзон мини техника ва технологиялари билан айна ишлаб чиқариш цехларида танишиб, ўзимизни қизиктирган бир неча саволлар билан корхона раҳбари Евгений Витальевич ТРОХИМОВИЧга мурожаат қилдик.

соатда 500 килограммгача донга ишлов беради, худди шундай тегирмоннинг «МКДВ» тури анча мукаммаллаштирилган.

Шунингдек, корхонада ишлаб чиқарилаётган, фермер хўжаликларида жуда асқотадиган — чигит, pista каби қишлоқ хўжалик маҳсулотларидан ёғ ишлаб чиқарадиган машина, дон маҳсулотларини қайта ишловчи дастгоҳлар харидорларни мамнун қилмоқда. Озиқ-овқат саноати учун корхонада турли хилдаги макаронлар, қуюлтирилган сут, помидор пастаси, печенье каби бир неча маҳсулотлар тайёрлайдиган дастгоҳлар ишлаб чиқариш ҳам йўлга қўйилган.

Шаҳримиздаги «PGS» хусусий корхонаси билан ҳамкорликда иш олиб бормоқдамиз. Ўтган йил бошидан корхонамизда янгиликка қўл урилиб, вакуум машиналар ишлаб чиқарила бошланди. Бундай мини техникалар Ўзбекистонда биринчи марта «пайдо» бўлди. Уларда тайёрланган макарон маҳсулотлари чиройли, шаффоф, шу билан бирга, си-

фати жиҳатидан хорижикидан қолишмайди. Аксинча, нархи арзонлиги билан афзалдир. Хуллас, бугунги кунгача

26 турдаги хорижники билан рақобатлаша оладиган маҳсулотларимиз ички бозоримизни тўлдирishга хизмат қилмоқда.

— Сиз билан янги йилнинг дастлабки кунларида суҳбатлашиб турибмиз. Шу босидан ушбу йилдаги режаларингиз ҳақида ҳам гапириб берсангиз.

«Ҳаракатда — баракат» деб халқимиз бежиз айтимайди, Корхонамизнинг асосий ишлаб чиқариш цехидан ташқари, Ҳамза туманида шохобча ҳам очишга муваффақ бўлдик. Янги йилга янги режаларимиз ҳам бисёр. Анча вақтдан буён ўйлаб юрган режам — корхонамизда тайёр нонушалар (қуритилган холда) ишлаб чиқаришни йўлга қўймоқчимиз. Бу маҳсулотлар мактабларнинг бошланғич синф ўқувчилари, лицей, коллеж ва ётоқхоналарда истикомат қилувчи талабаларга мўлжалланади.

Бундан ташқари, шохобчамизда тикувчилик цехини ҳам очиб мўлжалланган, маҳалладаги хотин-қизларга иш ўринлари яратилади. Энг асосийси эса — мини техника ва технологиялар ишлаб чиқаришни янада ривожлантириб, янгидан янги машиналар яратиш, иқтисодиётимиз равнақига муносиб улуш қўшаётган тадбиркорлар ва кичик корхоналар ишининг ривожини таъминлаш, ички бозорни хариддориги, сифатли маҳсулотлар билан таъминлашларида кўмаклашишга интиламиз.

Муҳаббат ҲАБИБУЛЛАЕВА
СУРАТЛАРДА: «ТЭКиК» масъулияти чекланган жамияти раҳбари, тадбиркор Евгений Трохимович ва малакали пайвандчи Толибжон Худойбердиевлар сазоворчи қисмларни кўздан кечиришмоқда; макарон ишлаб чиқарувчи машина.

Ҳақимжон Солиҳов
олган суратлар.

Маданият

ХАЛҚАРО
ФЕСТИВАЛГА
ТАРАДДУД

Кириб келган янги йилда ҳам республикаимиз маданий ҳаётида қатор муҳим янгиликлар юз беради. «Тошкент-2004» халқаро мусиқа асарлари фестивали эса ўзи хос йирик мусиқа байрамига айланади.

Ўзбекистон Бастакорлар уюшмаси ташаббуси билан ташкил этилган бу ижодий кўрик-концерт дастури устиди иш бошлаб юборилди. Намойиш қилинадиган томошалар ранг-баранг мусиқа жанрларидан иборат бўлади.

Симфоник ва камер асарлари ижроси учун ҳам катта ўрин берилади.

Шу билан бирга четдан кўплаб мусиқа санъати намояндалари ташриф буюради. Улар ижросида янграйдиган тароналар ҳам томошбинларга тақдим қилинади.

«Тошкент-2004» халқаро фестивали навбатдаги янги ижод ва маҳорат кўриги сифатида мусиқа шинавандаларини мамнун этиши турган гап.

АДАБИЁТ
ТАРИХИГА МУҲИМ
ХИССА

Ўзбекистон Миллий университети адибётшунос олимлари илмий излашлари натижасида қатор китоблар босмага тайёрланди. Олий ўқув юртининг «Миллий уйғониш даври ўзбек адабиёти» кафедраси томонидан нашрга топширилган тўпламлар ҳам ўз илмий қиммати билан ажралиб туради.

Кафедранинг етакчи мутахассиси ва кўзга кўринган адибётшунос олими Шариф Юсупов излашлари ҳам самарали бўлмоқда. Унинг навбатдаги китоби «Тарих ва адабиёт бўсти» деб номланди. Яқинда чоп этилган бу нашрда энг яқин тарихимизни ўрганиш ва адабий мерос тадқиқи бўйича олиб борилган излашлар ўз ифодасини топти.

Толмас тадқиқотчи «Фурқат олами» деб номланган йирик монографиясини ҳам нихосига етказди. Маҳоратли ўзбек шоири Зокиржон Фурқатнинг ҳаёти ва ижодий фаолиятига бағишланган бу илмий иш шу йили китобхоналарга тақдим этилади.

«ОЛАМНИ МУНАВВАР ЭТ» —
САҲНАДА

Ўзбекистонда қўғирчоқ театри санъатини ривожлантиришга ҳам алоҳида аҳамият бериб келинмоқда. Буни Республика қўғирчоқ театри ижодий фаолияти ҳам яққол кўрсатиб турибди.

Бу «кичик саҳна» усталари томонидан постановка қилинган «Шум боланинг саргузаштлари» деган спектакль айниқса кичик тоғайларга манзур бўлди. Академик шоир Фағур Гулом таваллудининг 100 йиллиги муносабати билан кўрсатилган мазкур асар ўзининг режиссураси билан ҳам кўччилик эътиборини тортиди.

Театрнинг ижодий жамоаси янги йилда ҳам қатор кўнук соҳна асарларини тақдим этади. «Оламни мунаввар эт» деган постановкаси эса бу йилнинг дастлабки спектакли бўлади.

«Кичик саҳна»да қўғирчоқлар сўзламади. Уларнинг пластик ҳаракатлари орқали асар воқеаси томошбинларга етказиб берилади.

Театрнинг бош режиссёри Марям Ашурова томонидан постановка қилинган ушбу спектакль шу йилдаги талқинда саҳнага олиб чиқиши билан ҳам эътиборлидир.

Ақбар АЛИЕВ

Чунончи, ўтган 2003 йил ичида авария ҳолатларининг олдини олиш ва тиклаш, кишиларга ёрдам бериш юзасидан фақатгина «Сувсоз», «Тошгаз», «Тошиссиқликкуввати», «Тошшаҳарнур» хизматларининг тузилмаларига 25 мингдан зиёд, Фавқулодда вазиятлар бошқармаси негизидagi қўтқарув хизматига 126 мингдан кўп мурожаатлар қайд этилган. Ҳар бир аниқ ҳолат бўйича вақтида амалга оширилган чора-тадбирлар туфайли жиддий фалокатлар оқибатларининг олди олинишига эришилди. Пировардида тегишли хизматларнинг тезкор ва мувофиқлашган ҳаракатлари натижаси ўлароқ 2003 йил мобайнида шахарда фавқулодда вазиятлар қузатилмаган, халқ ҳўжаллиги объектлари фаолияти барқарор ишлаши, инсонлар ҳаёти хавф-хатарсиз тинч кечиши таъминланган.

Куни кеча Тошкент шаҳар ҳокимлигида бўлиб ўтган ҳисобот йиғилишида фуқаролар муҳофазаси хизмати таркибидаги махсус тузилмалар фаолияти шундай юксак баҳоланди.

— Бундай кўрсаткичларга эришишимизда авваламбор аҳолининг хизмати каттадир, — таъкидлаб ўтди шаҳар Фавқулодда вазиятлар бошқармаси бошлиғи полковник Эргаш Икромов. — Кейинги пайтда жамоатчилигимиз анча фаоллашиб бораётгани, одамлар атрофда бўлаётган воқеаларга жиддий ёндошиб ва таҳлил қилган ҳолда ўз муносабатини билдираётганини алоҳида айтиб ўтиш вазиятни таҳлил қилган ҳолда ўз муносабатини билдираётганини алоҳида айтиб ўтиш ўринли. Улар ҳар бир вазиятни тўғри англаша, зарурат туғилса, тегишли хизматларни воқиф қилишга ҳозир бўлмоқда. Лекин шунинг ҳам унутмаслигимиз лозимки, у ёки бу ноҳушликларнинг келиб чиқишига аксарият ҳолларда кишиларнинг ўзлари сабабини бўлмоқда. Зеро бефарқлик, лоқайдлик ёки масъулиятни чуқур англамаслик, баъзан билиб-билмасдан қилинган нотўғри ҳаракат жиддий салбий оқибатларни юзага келтириши ҳам мумкин. Шундай бўлсада, яна бир бор таъкидлаб ўтмоқчиман, фуқароларимизда ўзгалар дарадига ҳамдард бўлиш, ўзи ва атрофдагиларнинг ҳаётига, уларнинг

тинч, фаровон турмуш кечиришига жавобгарлик ҳис-туйғуси устувордир. Айни пайтда фуқаролардан тезкор хизматларга муҳтожларга ёрдам кўрсатиш юзасидан тушаётган зўлба, минглаб мурожаатлар бунинг яққол далили бўла олади.

Фавқулодда вазиятлар бошқарма-

ФУҚАРО
ФАОЛЛИГИ —
ДОЛЗАРБ МАВЗУ

Ҳар биримиз ҳаётимиз давомида кўплаб қўтқарув вазиятларга тўқнаш келишимиз, ҳоҳида тасодифлар иштирокчиси ёки зувоҳига айланиб қолишимизга тўғри келади. Бунинг охир-оқибати ташвишли яқунланмаслигининг олдини олиш учун ўзимизни қандай тутишимиз, қай тариқа ҳаракат қилишимиз керак, деган саволларга бир зумда жавоб излашимиз табиийдир. Албатта, бундай пайтларда биринчи гада тезкор хизматлар қўла келиши шубҳасиз.

си томонидан ўтган ҳисобот даврида барча тегишли хизматлар билан ҳамкорликда ҳар бир туман кесимида фуқаро муҳофазасига йўналтирилган ўқув-амалий машғулотлар ўтказишга эришилди. Бундай тадбирларнинг ташкил этилишига кўпгина ташкилот ва корхоналар, шу жумладан фаолияти кимёвий қўришмалар билан боғлиқ ишлаб чиқариш корхоналари манфаатдор бўлиб фаол қатнашгани кўноралидир. Машғулотлар жараёнида шунингдек, ҳар бир меҳнат жамоаси вакиллари ва раҳбарларидан иборат фуқаро муҳофазасига масъул гуруҳларни тайёрлаш ишлари ҳам олиб борилди. Бу дегани ушбу гуруҳ аъзолари фавқулодда вазият юзага келиши хавфи туғилган ҳолда махсус хизматлар келгунга қадар биринчи зарур йўлдан кўрсатиш кўникмаларига эгадир.

Бундан ташқари, тактик-амалий машғулотлар барча ўқув юртиларида ўқувчи ва талабалар ҳамда педагоглари жалб қилган ҳолда ҳам амалга оширилди. Бу борада туман ҳокимликлари, маҳалла ва уй-жой ширкатлари фаолларининг бевосита қўмақлашувида корхона, ташкилот ва муассасалар яқинида жойлашган мавзелар аҳолисининг

ҳам бундай тадбирларда кенг иштирок этишига эришилди. Умуман олганда эса, фуқаро муҳофазаси бўйича тайёргарлик ишларига 350 мингдан зиёд киши жалб қилинди.

— Бундай амалий ишлар ўз самарасини бермоқда, — давом этди Эргаш Жумабоевич. — Хусусан, ҳисобот йилида ўтган даврга нисбатан ноҳуш ҳодисалар сони анча қисқарди, турли зиёнлар кўрсаткичи 76 фоизга камайди. Шунинг ҳам алоҳида айтиб ўтиш керакки, фуқаро муҳофазаси хизмати таркибидаги айрим тузилмаларнинг тайёргарлигини ўрганиш борасида ҳам машғулотлар ўтказилди, шу жумладан тез тиббий ёрдам, ёнғин хавфсизлиги, бошқа тезкор хизматларнинг фавқулодда вазиятларга нисбатан имкониятлари ҳар томонлама таҳлил қилинди. Дастлабки натижаларга кўра, бизнинг хизматлар ҳар қандай вазиятда тўғри ҳаракат қилиш тажрибасига эга эканлиги, вақтида ва таъсирчан чора-тадбирлар ўтказиш ва тезкор ёрдам кўрсата

олишга тайёрлигига ишонч ҳосил қилинди. Келгусида ҳам ушбу йўналишда ишларни давом эттириб, асосий эътиборни кўпроқ аҳоли ўртасида ўқув-тайёрлов машғулотларини жонланттиришга қаратишни режалаштирмоқдамиз. Зеро фуқаролар бу борада қанча кўп амалий кўникмага эга бўлса, уларда турли воқеаларга ҳолисона муносабат шаклланиб, ўзи ва яқинлари ҳаётини хавф-хатардан ҳалос қилиши кафолати кучайиб бораверади. Шу билан бирга ҳаётимизда ноҳушликлар камайишига эришиш учун ҳар бир вазиятда албатта онгли равишда ва биргалликда ҳаракат қилишимиз лозимлигини вақтининг ўзи тақозо этмоқда. Шу боисдан аҳоли билан ишлаш, унинг фаоллигини ошириш ҳар бир хизматнинг қўндаллик вазифасига айланиши керак. Ўз навбатида, бу борада фуқароларимизга катта умид болаганмиз, яъни жойларда жамоатчилик назоратини янада кучайтириш зарур. Кишилар юзага келиши мумкин бўлган салбий кўринишларга қанчалик ўз муносабатини билдирса, вазиятга тўғри баҳо беришга ўрганса, турмушимиз шунчалик тинч ва осуда бўлади.

Ильмира ЗАЙНУТДИНОВА

ҲАМШИРАЛАР
ҲАМКОРЛИГИ

Мамлакатимизда Ҳамширалар иши ва тиббий фани бўйича Ойто университети ректори Томоко Кусаса бошчилигидаги Япония делегацияси ташриф буюрди. Икки ҳафта давомида меҳмонлар тиббиёт коллежларининг клиник базалари, биринчи ва иккинчи ТошТИ клиниклари, Шошилинч тиббий ёрдам маркази, Бухоро ва Урганч тиббиёт институтлари билан танишди, «Ўзбекистонда ҳамширалар ишини ривожлантириш» лойиҳаси доирасида семинарлар ўтказди.

Тошкент врачлар малакасини ошириш институтида бўлиб ўтган семинарда соғлиқни сақлаш тизимидаги ҳамширалар муаммолари муҳокама этилди. Унда мамлакатнинг барча ҳудудларидан ташриф буюрган ҳамширалар, тиббиёт институтлари ва коллежлари ўқувчилари иштирок этди. Сўзга чиққанлар мамлакатимизда ўрта тиббиёт ходимлари хизмати янада ривожлантириш, беморларга тиббий ёрдам кўрсатиш сифатини ошириш, етук кадрлар тайёрлашга алоҳида эътибор қаратилаётганини таъкидлади.

Семинарда сўзга чиққан япониялик мутахассислар йиғилганларни соғлиқни сақлаш ва касалликларнинг олдини олиш соҳасидаги ҳамширарлик таълими бўйича ўқув режаси билан таништирди.

зори», «Нон саноати», «Нефтни қайта ишлаш саноати» каби қўзғалдирилган мақолалар бор.

6-жилд мақолалари умумий ҳажмининг қарийб ярим улушини табиий ва техника фанлари ташкил этади. География, геология ва геофизика соҳасидан 625 та, физика, математика ва техниканидан 305 та, биологиядан 172 та, қишлоқ ҳўжалигидан 224 та, кимёдан 125 та, тиббиётдан 222 та мақола берилган.

6-жилда 22 та мамлакат, Ўзбекистоннинг икки вилояти /Наманган ва Навоий вилоятлари/ ҳақида мақолалар кирган.

ЎзМБ 6-жилда 800 дан зиёд безак материал/рангли, оқ-қора сурат, хариталар/ берилган. Уларнинг кўпи оригиналдор. 6-жилд мақолаларини тайёрлашда 500 дан зиёд муаллиф-мутахассис иштирок этди.

Нашриёт жамоаси республикамиздаги олимлар, мутахассисларнинг кенг иштирокида «Ўзбекистон миллий энциклопедияси»нинг 7-жилдини нашрга тайёрлаш устиди жадал ижодий иш олиб бормоқда. Умуман, 2005 йилнинг нихосида миллий қўмуш яратилмақ мураккаб ва залворли лойиҳа тугалланади.

ЎЗА

2004 йил арафасида «Ўзбекистон миллий энциклопедияси»нинг навбатдаги 6-жилди кўп минг нусхада босмадан чиқди. Бу жилд «Мирий» мақоласи билан бошланиб, «Пархиз» мақоласи билан тугайди, яъни «М» ҳарфининг 2-яъни, «Н», «О» ҳарфлари, шунингдек, «П» ҳарфининг биринчи ярмидаги мақолаларни ўз ичига олади. Унда 3500 дан ортиқ мақола бўлиб, умумий ҳажми 130,5 нашриёт-ҳисоб табоғини ташкил этади. Шунинг 90 табоғи матн, 40,5 табоғи безак материалдор.

«ЎЗБЕКИСТОН МИЛЛИЙ
ЭНЦИКЛОПЕДИЯСИ»НИНГ
6-ЖИЛДИ БОСМАДАН
ЧИҚДИ

6-жилдда иқтимоий ва гуманитар фанлар салмоқли ўрин тутади. Хусусан, тарих фанлари соҳасидан 500 та, маданият ва санъат соҳасидан 427 та, тил ва адабиёт, матбуот соҳасидан 315 та, фалсафа ва ҳўқуқ, дин ва динлар тарихидан 223 та, иқтисодиётдан 358 та мақола берилган. Булар орасида «Неолит», «Палеолит» даврлари, «Мовароуннаҳр», «Муваққат Фарғона ҳўкумати», «Октябрь тўнариши», «Панисолизм», «Пантуркизм» каби тарихий воқеалар, тушунчалар; «Муҳаммад халфа Собир ўғли», «Мустафо Ҳўка», «Отатўр», «Мунавварқори», «Миркомилбой» каби тарихий шахслар; «Мисгарлик», «Нақш», «Нақшрўш», «Моноументал ҳўайкатрўш», «Музейлар», «Муқимий, Навоий ва Наманган театралари», «Мотуридий ёдгорлик маҳмуи», «Ороқўжа ёдгорлик маҳмуи», «Мир Араб мадрасаси», «Оқсарой», «Нуриллабой саройи»,

«Мустанқиллик майдони», «Оқулловлар оиласи», шунингдек, «Оқулхон Отақонов», «Ҳабибахон Оқунова», «Зиқир Муҳаммаджонов», «Тўйчи Орипов», «Теша Мўминов» каби санъаткорлар; «Муқимий», «Нодир», «Отағий», «Миртемир», «Мирқарим Осим», «Ойбек», «Орипов Абдулла» каби ёзувчилар; «Мустанқиллик», «Мустанқил Давлатлар Хамдўстлиги», «Муҳолифат», «Муҳаббат», «Назария» каби фалсафий-сиёсий мақолалар; «Муҳаммад», «Мусо» пайғамбарлар, «Мотуридий», «Мотуридийлик», «Муслим ибн Ҳажж», «Нахшабий», «Олтинхон тўра», «Муҳаддас китоблар», «Мустанқиллик», «Намоз», «Оят», «Пайғамбар», «Никхо», «Оила», «Одат ҳўқуқи», «Одил судлов», «Омбудсман», «Олий таълим», «Мустанқиллик дарслари», «Оила тарбияси», «Молия», «Монополияга қарши қўнучилик», «Монополиядан чиқариш», «Олтин бо-

Шарқ дурдоналари

Оз-оз ўраганиб домо бўлар...

• Боболаримиз: «Бировга чоҳ қазисанг, ўзинг йиқиласан» деб бежиз айтмаганлар. Бировга ёмонлик қилган киши тезда жазосини кўради.

ХИКОЯТ. Қадим замонда ҳасадчи бир бой одамнинг камбағал, лекин ўзининг хулқ-атвори туфайли халқнинг ҳурматиға сазовор бўлган қўшнисини бор эди. Қўшнисининг халқ қошидаги иззат ва ҳурматиға кўролмайдиган ҳасадчи нобакор бой у бечорани ўлдирмоқчи бўлди.

Бир куни ҳалиги қўшни қишлоққа бормоқчи бўлиб отланган эди, ҳасадчи бой дарҳол ҳолва пиширтди ва унга ўткир заҳар аралаштирди. Кейин иккита нон билан бирга камбағал қўшнисининг қўлига бериб айтди:

— Қўшни, қишлоққа бормоқчи бўлганингизни эшитдим, сизга раҳим келиб, дарҳол ҳолва пиширтдим. Иккита нон билан бирга ҳолвани сизга келтирдим, йўлда қорнингиз очикқанда бир ерга ўтириб тановул қиларсиз.

Камбағал қўшни бойнинг келтирган ҳолва билан нонини олди. Қўшни ҳасадчи малъун бойга миннатдорчилик билдириб, йўлга тушди. Ярим йўлга етганда сув бўйида ўтирган икки йигитни кўриб қолди. Бу йигитлар сув бўйида дам олиб ўтирган эдилар.

Камбағал қўшни улар ёнига келди. Йигитларнинг очикқанларини сезиб ҳолва билан иккита нонни уларга тақдим этди. Йигитлар ҳолвани едилару, дарров жон бердилар. Камбағал қўшни бу ҳолни кўриб, ҳайратда қолди. Қолган нон билан ҳолвани олиб орқага қайтди. Дарҳол шаҳар бошлиғига бориб ҳолва билан нонни берди ва бўлган воқеани баён қилди.

Шаҳар бошлиғининг буйруғи билан иккита йигитнинг жасадини келтирдилар. Кейин шаҳар бошлиғи ҳасадчи бойни қақиртириб унга ҳолва, нон ва икки йигитнинг жасадаларини кўрсатди. Ҳасадчи бой йигитларнинг жасадаларини кўргач, ёқасини йиртиб дод деб йиғлаб, ўликлар устига ўзини ташлади. Бу йигитлар ўша нобакор, ҳасадчи бойнинг ўз ўғиллари эдилар. Шундай қилиб, бировга чуқур қазиган бой ўз чуқурига йиқилди.

Ҳаммаси ўша кундан бошланди. Ўқдек учиб бораётган «Нексия» таққа тўхтади. Шиналарнинг кучли зўриқишдан «чинқириши» бекатдагиларни ўзи қаратди. Эшик очилиб башанг кийинган йигит кабинадан бош чиқариб бақирди:

— Рустамжон.

Рустамжон бир зум саросимага тушиб қолди. Сўнг кўзларига ишонқирамай овоз келган томонга қаради.

— Аҳмадалимисан?

Кўришдилар. Бир ишора билан Рустамжон машина кабинасидан ўрин олди. — Ибодатхон, танишинг, бу менинг ҳамкурс дўстим, — деди Аҳмадали рул чамбарагини бошқараркан.

Қалин қора кўзойнақ тақиб олган гўзал жувон истар-истамас «ошга тушган пашша» билан аранг саломлашди.

Рустамжон ўзини ноқулай сезди.

— Бормисан? Бирор марта сўраб-истамайсан-а, — булбулдек сайраб кетди Аҳмадали.

— Иш, — чайналди Рустамжон.

«Тавба нега у институтда бир магизини тенг бўлашиб ейдиган қадрдон дўстидан бунчалик тортиняпти? Ёки такаббурона ўтирган мана бу жувоннинг савлати босиятими? Балки Аҳмадали билан икки-уч йилдан бери кўришмай қўйганига шунақа ҳолат рўй бераётгандир. Ёки унинг тағидаги машинанинг қудратими бу?»

— Қаерда ишляпсан, ҳали ҳам ўша илмий-текшириш институтидими?

Рустамжондан «Ҳа» жавобини олгач, Аҳмадали бошини сарак-сарак қилиб қўйди.

— Олим бўлиб қайси тоғни олиб берардинг, оғайни. Беш кунлик дунёда яшашни билиш керак-да. Ҳа, айтмоқчи биз далага кетяпмиз, хоҳсангиз биз билан бирга юр. Ибодатхон дугонасини оловладди.

Жувоннинг пешонаси тиришди. Рустамжон иши зарурлигини айтиб машинадан тушди.

— Эртага сени кечқурун уйда кутаман, албатта кел. Зарур гап бор, — дея Аҳмадали машина гилдирақларидан ўт чакатиб жўнаб кетди.

Рустамжон анча вақтгача унинг орқасидан термулиб қолди. Шу дамда у ҳаёлан Аҳмадали билан ўзини таққослади. Институтни зўр-базўр тутатган дўстининг дабдабаси билан ўзининг бугунги аҳоли ўртасида ер билан осмонча фарқ бор эди. Аҳмадалининг тағида янги машина. Олий даргоҳни имтиёзли диплом билан битирган Рустамжон эса ақалли шу пайтгача велосипедга ҳам эга бўлолгани йўқ...

Гўё мактабни эслатадиган икки қавати оқ ёштин иморат остонасидан кириши билан Рустамжоннинг оғзи очилиб қолди. Шохона ҳаёт деб мана бунга айтса бўлади. Ҳамма ёқ озода, саранжом-саришта. Бир четиға кўм-кўк чим босилган ҳовлининг ўртасида гулзор, катта ҳовуз. Уртадаги фаввора осмонга сув сачратиб турибди. Бир сўз билан айтганда ҳовлида чинакам баҳор ҳукмрон. Хоналарда қўша-қўша гиламлар, биллур қандиллар, кўзни қамаштирувчи чинни идишлар эса беҳисоб.

— Бизнинг кулба мана шу дўстим, — сўз бошлади Аҳмадали муғомбирона жилмайиб. — Шу арзимас рўзгорни бутлаб машина олгунча оз мунча югурмадим.

Улар узоқ суҳбатлашишди.

— Ўзинг биласан, — деди гап охирида Аҳмадали. — Касбим оддий, қурилишда ишлайман. Дастлаб бошқа жойга кўчиб кетмоқчи ҳам бўлдим, бироқ бунинг мазасига кейинчалик тушундим-у ишга шўнғиб кетдим. Гап ўртаимизда қолсин, хўп десанг сени ҳам ёғли жойга ишга жойлаб қўяман.

— Қанақа иш? — сўради Рустамжон қилиб.

— Қоровулчиликка.

— Нима? — Рустамжон таажжуб билан дўстига тикилди.

— Мана шунақа, — қилиб туриб сўз бошлади Аҳмадали. — Назарга тушмайдиган иш, лекин тушуми зўр. Ўлай агар мен билан баҳамжихат ишласанг, бир йилга қолмай машиналик бўласан. Кечаси қоровулчилик қиласан, кундузи қурилишда ишлайсан. Ора-чора бошқа юмуш ҳам чиқиб туради. Истасанг бир

кечада анча-мунча пул ишлаб олишинг мумкин. Тахта, тунука, шифер, эшикдор, гишт дегандек. Майда-чуйда материаллар ҳақида оғиз очмай қўя қолайлик. Сен ўзимникисан, сирдош бўлганинг учун айтяпман бу гапни.

У Аҳмадалининг гапларини қайта-қайта салмоқлади. Ҳозирги иши билан кейингини таразу палласига қўйди. Аҳмадали томон босаверди. «Рост-да, қачонгача арзимас маош билан кун кечираман. Илмий ишим ҳам қолиб кетмас. Бир-икки йил ишлаб машина олволганимдан сўнг яна ўз ишимга қайтсам бўлади. Шундан кейин ишим ҳам юришиб кетар балки. Домларни янги машинада олиб юрсам, дам олиш кунлари уйда хизмат қилиб турсам, бир ойда ёқлаб оламан илмий ишни».

Рустамжон шу ҳаёлда ярим кечада ширин уйқуда ётган хотинини уйғотди. Зебохон ҳайрон бўлиб уйқули кўзини ишқалади.

— Машина, кейин ҳовли-жой сотиб олсам нима дейсан? — деди Рустамжон томдан тараша тушгандек.

Мурчиш горраҳаларида

КЎНГИДНИНГ КЎЧАСИ

— Тушингизда кўрдингизми? Яхши ният ярим мол, — деди хотин эрининг мақсадини тушунолмади.

— Менга қара, бу ният эмас, ҳақиқат.

— Қандай? Олтин топиб олдингизми?

— қандайдир кўркув ва ҳаяжон билан сўради Зебохон.

— Олтин эмас, иш топдим.

— Кўйинг-е дадаси. Хомхаёл бўлманг. Ўз ишингиз-чи? Илмий даражали бўлиб олсангиз, кўрмагандек бўлиб кетармиз. Ҳозир ҳам ейиш-ичишимиз жойида, устимиз бут, дабдабали ҳовли-жой, машинани ҳавас қилмай қўя қолинг. Мана шу уйимиз ҳам бизга етади. Болаларимиз тинч, оиламиз соғ-саломат бўлгандан кейин ортиқча даҳмазанинг нима кераги бор.

— Ахир бир ўйлаб кўр хотин, янги машинамиз бўлса, биз ҳам дам олиш кунлари оиламиз билан узоқ далаларга чиқиб кетсак, дам олсак, хордиқ чиқарсак ёмонми?

— Албатта яхши, лекин шунча пулни қаердан топасиз?

Рустамжон ўз фикрида туриб олди. Маслаҳатларга қулоқ солмади. Кўп ўтмай турли баҳоналар билан ишдан бўшади. Аҳмадали ҳам сўзининг устидан чиқди. Лекин ҳолва деган билан оғиз чўчмас экан. Рустамжон анчагача янги ишга кўниқолмай юрди. Бир куни кечки пайт унинг ёнига Аҳмадали келди.

— Менга қара, кечаси олдингга бир киши келади, ҳов анави оқ тунуқадан 20 тасини бериб юборасан.

— Ахир... қандай қилиб, — дудуқланди Рустамжон.

— Чумчуқдан кўрққан тариқ экмайди оғайни, бунақада икки дунёда машиналик бўлолмайсан.

Аҳмадали келадиган одамнинг юз тизилиши, кийими, машина рақамини обдон тушунтирди. Кейин «ҳамир учидан патир» деган маънода Рустамжоннинг қафтига пул тутди.

— Айтиб қўй, бир кор-ҳол рўй берса мен беҳабарман.

Тунги иш хамирдан қил суғургандек осон ўтди. Орадан ҳеч қанча вақт ўтмай яна ва яна такрорланди бундай иш. Шундан кейин Рустамжон оғир имтиҳондан эсон-омон ўтиб олган кишидек, оёққа туриб олди. Энди унинг ўзи Аҳмадалини пойлар, келиши билан тузиб қўйган режасини айтарди. Шундай вақтларда дўсти унинг елкасига қоккиб «устоздан ўзган шогирд» дея кўларга кўтарарди.

Аҳмадалининг яна бир хуфя иши борлигини Рустамжон кейин сезди. Сездми-ю бу ишга ҳам билиб-билмай аралашиб қўйганлиги туфайли лабини ташлади. Дўсти гийёванд моддаларни сотувчилар билан ҳам алоқа боғлаган экан.

Аҳмадалининг гаплари тўғри чиқди. Рустамжоннинг чўнтағи қаппайиб

қолди. У энди оила ташвишини ҳам деярли унутган, бутун дарди ҳаёли пул топиш билан банд эди.

Бир куни кечқурун хотини унинг қўлига богча тўлов қоғозини тутқазди.

— Эртага охириги кун экан, богча опаси илтимос қилди, бугун пулини тўламасак бўлмас эмиш.

Рустамжон бу гапни биринчи марта эшитаётгандек сесканиб кетди.

— Ўзинг маошингни нима қилдинг?

— Болаларга кийим-кечак олиб бердим, рўзгор қиялпман. Ахир янги ишга ўтганингиздан бери оилага бутунлай қарамай қўйдингиз-ку дадаси, бунинг устига кеча-кундуз ишдасиз.

— Ойимнинг пенсияси пулидан тўлаб тур, менда пул йўқ.

Зебохоннинг гапи оғзида қолди. Эри эшикни тарақлатиб ёпиб чиқиб кетди.

Бойлик — ҳасислик эканини шунда тушунди Зебохон. Кўз унгида эри қандай қилиб бу балога тойиб кетди? Нега унга индамади? Нима қилиш керак? Эрини қандай қилиб қайтарсин бу кингир йўлдан? Унинг сирини фош қилсинми? Бу билан эрини ўз қўли билан қамоққа тикмайдими? Унга ялинсинми? Ҳа, шундай қилиш керак. Ялиниб-ёлвориб бўлса ҳам уни бу йўлдан қайтариш керак.

Хосият ҳоладан ҳам ором йўқолди. У келини билан бамаслаҳат ўғлига бу борада бир неча бор гапирди. Насиҳат қилди. Лекин онаизорнинг дил сўзларини Рустамжон қулоққа олмади. Унинг қалбини бойлик васвасаси тобора аралагандан яралаб борарди. У энди на маҳалладаги ўз тенгқурларига қўшиллар, на маросимларда қатнашарди. Унинг мақсади битта — тезроқ ва кўпроқ пул топиш эди. Бунинг учун у энди ҳеч қандай қабиҳликдан қайтмас эди.

— Майли, — дерди у, — ким нима деса деяверсин. Ўзимни тиклаб олай. Ҳали уларга кимлигимни кўрсатиб қўяман».

Нохобил йўлга кириб қолган фарзанд ҳасратида онаизор ҳам тутдай тўкилди. Шифокорлар унинг дарди оғирлигини айтишиб, Хосият ҳолани касалхонага олиб кетишди. Зебохон ҳар куни унинг ҳолидан хабар олиб турди. Рустамжон эса касал онасини ҳам бориб кўришга вақт тополмасди. У хотинининг қайта-қайта илтимосларидан сўнг касалхонага борган куни ўғлининг дийдорига зор бўлиб ётган онаизорнинг кўзи юмилган эди...

Онанинг ўлимидан сўнг уйдан бутунлай файз кетди. Бир вақтлар Зебохон учун ардоқли ва эъозли бўлиб кўринган уй энди унинг кўзига файзсиз, ҳиссиз кўринди. Кўп ўтмай арзиманган гапдан бошланган жанжал оловланди-ю Зебохон ҳам бу уйни тарк этди. Болаларни олиб онасиникига кетди.

— Тўрт томонинг қибла, — деди Рустамжон полапондек бўзлаб турган болаларининг кўз ёшларига ҳам қарамай. — Ҳали кўрасан онаси ўпмаган қизга уйланаман.

Ўша куни Рустамжон кечаси билан тўлғониб чиқди. Тушида машина эмас, нукул онасини кўрди. Чўчиб уйғонади. Яна кўзи уйқуга кетиши билан тушининг давомини кўради.

Эртасига қурилишга борди-ю ноҳус хабар эшитди. Аҳмадали қўлга тушиб қолди.

Рустамжоннинг охириги таянч ипи ҳам узилган эди. Энди нима қилади? Ишқилиб дўсти унинг оёғидан тортмаса бўлган. Шундай ҳам бўлди. Орадан кўп ўтмай Рустамжон ҳам Аҳмадалининг ёнидан жой олди. Тавба, шу куни биринчи бор кўз олдидан шохона уй-жой, машина эмас, балки онаси, фарзандлари, хотини бирма-бир ўтди. У шу куни бойлик васвасасига учраб, иззат-нафсини йўқотганини, бир йиллик умрини (билмадик қилмиши, яна қанча қамоқ жазоси билан ўлчанаргани) ҳавога соврилганини, онаси ва оиласидан умрбод жудо бўлганини тушуниб етди-ю аччиқ кўз ёшлари билан юзини ювди.

Махмуд КОМИЛЖОНОВ

Ажойиботлар

ХАБАРИНГИЗ
БОРМИ?

Швейцарияни кўз кўриб кулоқ эшитмаган рекордлар давлати, дейишди. Яқинда бу мамлакатда қуёш батареяларида ишлайдиган тезюзар автомашина ихтиро қилинди. У тезлиги жихатдан рекорд кўрсаткичига эга (соатига 82,6 километр). Дунёдаги энг катта қалам ҳам Швейцарияда. У Монтре шаҳри биноларидан бирида жойлашган бўлиб, реклама учун хизмат қилади. Қаламнинг узунлиги 13,8 метр, айланаси эса 2,6 метр. Оғирлиги 805 килограмм.

Швейцариянинг Тун қўлида 472 та кичкина кема ёнма-ён қўйилиб, «Тунерзи» сўзи ҳосил қилинди. Бу «сўз»нинг узунлиги 780, эни 120 метр бўлиб, уни фақат самолётдагина ўқиш мумкин.

ТАНИМАСНИ
СИЙЛАМАС


Дунёдаги энг бой одам деб тан олинган Бруней султони Хасанал Белкиах Нью-Йоркка қилинган сафари чоғида гафлати воқеа юз берди. Султон шаҳардаги энг қиммат дўконга ташриф бўйриб, зўр қизиқиш ва дид билан ўзига бир талай кийимлар танлади. Бу ердаги одагга кўра, чек орқали ҳисоб-китоб қилмоқчи эди, негадир сотувчи қизга ҳаридорнинг осийликларга ҳос қиёфаси шубҳали кўринди. Ундан паспорт ёки ҳайдовчилик гувоҳномасини кўрсатишни сўради. Аксига олиб султоннинг ёнида бирорта ҳам ҳужжати йўқ экан. Натижада қимматбаҳо дўконнинг салқин ховлисида бироз ноқулай, асабий ҳолат юзага кела бошлади... Султоннинг шахсий тансоқчиларидан бирининг тадбиркорлиги туфайлигина ноҳушликнинг олди олинди. Соқчи ҳамёнидан бир Бруней долларини қийматидаги пулни талабчан сотувчига кўрсатди-да «Паспорт ўрнига ўтадимиз?» деб сўради. Пулдаги сурат ва рўпарасидаги кишининг қиёфаси синчиқлаб солиштирилгач, қиз қаршисида турган зотнинг қимлигини англади. Чек қабул қилиниб, султон ўз ҳариди билан дўкондан чиқди...

Шахсий бойлиги 60 миллиард Америка долларига яқин деб ҳисобланаётган Бруней султони ҳамон «Ер юзидаги энг бадавлат одам», деган шарафни қўлдан бермай келаётир.

БИР ОЁКЛИ
ПАХЛАВОН

Италиялик Армандо Ди Рокконинг касби—этикдўз. Кўнлардан бир кун унинг калласига гаройиб фикр келди: олтита ҳўкиз терисини сотиб олгач бигиз ва игнасини қўлга олиб, ишга киришди. Роса икки ой меҳнат қилгач, яратган матосига ўзи ҳам қойил қолди. Негаки у тиккан узунлиги 135 сантиметри, бир пой эркалар пойабзали... 175 ўлчов (размер)га тенг эди-да!

Гапнинг очиги, Рокко бу ишни бекорга қилгани йўқ. Албатта, юқоридаги ўлчовли пойабзалга мос оёқ соҳиби топилашмаслиги мумкин, лекин тез орада тадбиркор этикдўзнинг номи Гиннесснинг «Рекордлар китоби»дан жой олиши тайин. Бундан ташқари, мижозлар сонининг кескин кўпайганлигини айтмайсизми! «Бекор ўтиргунча, бекор ишла»,—деб шунга айтсалар керак-да!



Сокин оқшом чўкканда

Дарҳақиқат, меъморий ёдгорликлар ўтмиш, даврлар солномасидир: Ҳар бир обида ва ундаги ёзувлар муайян тарихий бир даврни таърифлаб берувчи қасидадир.

Тошкент шаҳридаги тарихий меъморий обидалар — Барокхон, Абул Қосим ва Кўкалдош мадрасалари, Жомеъ масжиди, Шайх Зайниддин бобо, Шайх Хованди Тоҳур, Қаффоли Шоший мақбаралари, Ҳазрати Имом мажмуасидаги тарихий бинолар, шунингдек, шаҳар ва унинг атрофидаги масжидларнинг пештоқлари, эшик устидаги мрамар лавҳалар, пойсун ва панжараларида битиклар борки, улар маълум бир меъморий иншоот ёки тарихий бир шахснинг ҳаётидаги муҳим воқеаларни бизга ҳикоя қилади.

Тошкент шаҳридаги XVI асрнинг 60-йилларида қурилган Кўкалдош мадрасаси дарвозасининг кириш қисми сиркор парчинларида: «Ушбу ажойиб бинони 1830-1831 йилларда Азим Вали ўғли уста Аваз Мухаммад тузатди. Бу бино сарой бош кўмондони Жаҳонгирбек ўғли Шодмонбек раҳбарлигида бежирим қилиб, қайта ишланди. Инсон ўлими ҳақ, бироқ унинг қилган ишлари абадий қолади. Кошин ишларини уста Олимжон бажарди» деб ёзиб қўйилган.

Бу тарихий битиклардан маълум бўлдики, қандайдир сабабларга кўра (табиий офат, зилзила, ўзаро урушлар ёки ташқи ҳужумлар натижасида) мадраса биносининг айрим жойлари вайрон бўлиб, харобага айланган, кейин эса юқорида номлари ёслатишган усталар томонидан бино қайта тикланиб, таъмирланиб асл ҳолатига келтирилган. Агар ушбу тарихий битиклар мадраса биносига битилмаганда эди эҳтимол биз бу қилинган хайрли ишлардан беҳабар бўлардик.

1214 йили Шайх Зайниддин бобога атаб қурилган мақбара дарвозасига уни ясаган устанинг номи — «Миршаҳоб Абдумўмин ўғли» деб ўйиб битиклар муҳрланган. Бундай тарихий битикларнинг шахримиздаги ҳар бир меъморий обидаларда

кўришимиз мумкин. Тарихий битикларни қадимий қабртошларда айниса, кўпроқ учратишимиз мумкин. Қабр тошлардаги кўп асрлик муҳр-

Қадриятларимиз

ТАРИХИЙ БИТИКЛАР —
МАЪНАВИЙ МЕРОСИМИЗ

Ўзининг бебаҳо тарихий меъморий обидалари билан доврўғи етти икклимга кетган Самарқанд, Бухоро, Хива, Тошкент шаҳарлари Мустақил Ўзбекистонимизнинг кўрки, шарафи, гавҳари, маданий бойлиги ҳисобланади. Ота-боболаримизнинг юксак санъати намуналари бўлган ана шу тарихий, меъморий ёдгорликларга диққат билан қаралса уларнинг пештоқи, сиркор девори ва эшикларига ўйиб битилган арабий-форсий ёзувлардаги йилномалар, ривоятлар, қўшиқлар, ҳикматли сўзлар, тарихий битиклар, шу биноларни бунёд этишда қатнашган усталарнинг номлари ва бошқа Қуръоний ва Ҳадисий ёзувлар беихтиёр киши эътиборини ўзига тортади.

ланган тарихий битикларни Тошкент вилояти Бўстонлик туманидаги қадимий Хўжакеңт қишлоғидаги қабр тошида кўришимиз мумкин. Боғистон қишлоғидаги Умар Боғистоний қабр тошининг тевақал сиртига эса арабий хатлар ва нафис гириш нақшлар ўйилган. Шунингдек, бундай тарихий битиклар Туркистон шаҳридаги Хожа Аҳмад Яссавий, Хивадаги Паҳлавон Маҳмуд, Самарқанддаги Хожа Аҳрор ва Амир Темурнинг қабр тошларида ҳам бор. Жумладан Хожа Аҳрор Валий қабр тошига шундай битиклар битилган.

«Бу раъза (боғ) соҳиби жаннатнинг энг покиза анҳорларидан сув ичгувчи ва жаннатнинг энг муқаддас нурли боғларида сайр этгувчидир. Мазкур раъза соҳибига Оллоҳ жаннат райхонлари, тонглари ва насимлари ато этсин. Чунки марҳум бутун умри давомида дунё экинзорларига шундай уруғлар сепдики, улар охират оламида мўл-кўл ҳосиллар бергувсидир. Ва Оллоҳ таоло марҳумга (бу солиҳ амаллари учун) ошкора ва яширин марҳаматлар қилсун, бул зот умр бўйи, кечаю кундуз Худого хуш келувчи солиҳ амаллар (ишлар) қилган. Оллоҳ таоло бул зотнинг руҳини шойистаи жаннат айлсин. Мазкур қабрда ором толган Зот бу дунё экинзорига шундай уруғлар сепдики, улар охират оламида ҳосил бўлгусидир. Ва Оллоҳ таоло унга ошкора ва пинҳона раҳмат ёғдирди».

Тошкент вилоятидаги Зангиота мақбарасининг оёқ томонига бис-

миллодан сўнг «Ҳар жон эгаси ўлим шарбатини тотувчидир» ояти битилган. Ундан кейин «Бу қабр марҳум ва маъруф (шаҳид), Солиҳ ва

Зоҳид Занги бини ота қабридир. У кишига раҳмат бўлсин», деган сўзлар битилган. Қабр устидаги узун тўртбурчак тошнинг сатҳига бадиий сулс хати билан араб тилида қўйидаги мазмунли рубоий ёзилган:

Ёшлик ва соғломлик билан ҳаёт сурган чоғимизда,

Бизлар гўё дарахтзорда қувнаб учган каптар эдик.

Замон бизнинг ўртаимизга оғир жудодикни солди,

Биримиз тез, биримиз кеч — бу дунёдан абад кетдик.

Қабр тошларидаги ёзувлар шуни билан аҳамиятлики, улар анъанага мувофиқ шеърли услубда бажарилиб, ҳар бирига тарих яширилган. Шеърятнинг бу нозик услубидан бирор воқеа, жумладан зафарли юришлар, тарихий обидаларнинг бунёд этилиши, таъмирланиши, ҳукмдорларнинг туғилган ва вафоти саналари тошга жуда моҳирлик билан битилган. Бунда хаттотларнинг меҳнатлари айниса диққатга сазовордир.

Юртимиздаги қадимий меъморий ёдгорликлар ва улардаги қабр тошлардаги тарихий битиклар бу миллат хотираси, ўтмишимиз кўзгуси, маънавий ва маданий куч-қудратининг белгисидир.

Аждодларимиздан бизга мерос бўлиб қолган бу тарихий обидалар ҳақида: «Мен Тошкент, Самарқанд, Бухоро ва Хива шаҳарларида бўлдим, бу шаҳарлардаги қадимий меъморий обидаларнинг ўзи бир дунё. Қўхна Шарқнинг бор қудрати ва улугворлиги акс этган бу осмонупар, нақшинкор миноралар, обидалар қаршисида шу юрт кишилари, аждодларининг ақл-заковати, билими қай даражада яратувчанлик кучига эга эканлигининг шоҳиди бўласан киши», — деб таъриф беради франциялик муҳандис Жульен Барта.

Рашид БОЙТУЛЛАЕВ

Назм ғўшани

МЕҲР

Меҳр асли нимадир?
Гавҳар тўла кемадир.
Лангари — жон, иймондир,
Бандаргоҳи — виждондир.

Меҳр — оддий саломдир,
Энг табаррук каломдир.
Яратганинг неъматини,
Тухфаси, зўр инъомдир.

Меҳр — бўлоқ, жилгадир,
Қуйилар қўл, дарёга.
Эл-юрт ундан сув ичар,
Чиқар уммон, дунёга.

Меҳр — дарё бўлмаса,
Биёбондир гулистон.
Қуриб Орол мисоли,
Озор чекар тирик жон.

Меҳр-вафо, садоқат,
Оқибатга эгизак.
Унга ҳасад, адоват
Бегонадир, ёт бешак.

Меҳр — ноёб туйғуки,
Дилда дурдай яширин.

Порлаб оташ, қуёшдай
Сочар ҳарён ўз нурин.

Барча нарса топилар:
Амал, бойлик, мол-дунё...
Аммо меҳр топиламас,
Усиз кўнгил зимзиё.

Бу оламдан ўтармиз,
Тўймай асло меҳрга!
Умр бўйи эгиб бош,
Бу илоҳий сеҳрга!

Ватан — меҳр бўлоғи,
Юмилмасин ҳеч кўзи!
Унда бирор нопокнинг
Юмилмасин қўл, юзи!

Бемехрлик — фожиа,
Ёвузликдир, даҳшатдир!
Бемехрга лаянатдир,
Меҳрлига раҳматдир!

Бўлай десанг одам гар,
Меҳржон бўл Искандар,
Зоҳиран бўл халқ билан,
Ботинан бўл ҳақ билан!

Искандар РАҲМОН.

Спорт

БИРИНЧИ ТУР
НАТИЖАЛАРИ

«МХСК» спорт мажмуаси ўйингоҳида мини-футбол бўйича мамлакат биринчилигининг биринчи тур беллашувлари бўлиб ўтди. Саккизинчи марта ташкил этилган Ўзбекистон чемпионати-нинг биринчи турида қуйидаги натижалар қайд этилди. «Зафар-17» (Наманган) — «Жиззах-С» (Жиззах) 5:17, «Нафис» (Самарқанд) — «Рўзимат Мадаминов» (Хива) 5:3, «Нурфайз» (Тошкент вилояти) — «Политех» (Фарғона) 9:8. Шунингдек ўтмоқчимизки, апрелда мини-футбол бўйича китъа биринчилигига старт берилади. Осиё чемпионатида қатнашиш ҳуқуқига эга бўлган Ўзбекистон терма жамоаси аъзолари ушбу нуфузли турнирда совринли ўринлардан бирини қўлга киритсалар октябрда ўтадиган жаҳон чемпионати финалида мамлакатимиз шарафини ҳимоя қиладилар. Шу боис ҳам эндигина бошланган Ўзбекистон чемпионати футболчиларимизга маҳорат мактаби вазифасини ўташи аниқ.

«ТОШКЕНТ
КИШИ»

Шахримиздаги Республика шахмат-шашка клубида шахмат бўйича «Тошкент киши» деб номланган турнир уюштирилди. Ушбу нуфузли мусобақада Тошкент шаҳри, Қорақалпоғистон Республикаси ва барча вилоятлардан таширф бўлган «акл гимнастикаси» усталари иштирок этганлиги беллашувларнинг шиддатли, комбинацияга бой, кескин курашлар остида ўтишини таъминлади. Мусобақаларда спорт усталари, спот усталигига номзодлар қўлиб бўлиш мақсадида донга суришди. Айниқса, рақибларидан кўра маҳоратлироқ ўйнаган Руслан Турсунов, Комил Раҳматуллин ва Александр Расхьянлар ажойиб ғалабалари билан мутахассислар муҳлисларда катта таассурот қолдиришди.

ТАЙЁРГАРЛИКНИ
БОШЛАБ
ЮБОРИШДИ

Ўтган йили мактаб ўқувчилари ўртасида ташкил этилган «Ўмид нихоллари» мусобақаларининг республика финал босқичи Хоразм вилоятида бўлиб ўтганлиги ҳаммага маълум. Шуниси қувончлики, ушбу мусобақаларда ҳамшаҳарларимиз ҳамма рақибларидан кўп очко жамғариб олтин медалларни қўлга киритишганди. Чилонзор туманидаги 182-гимназия мактаби ўқувчилари эса ушбу мусобақаларда пойтахт жамоаси таркибига 16 та медал эгасига айланишганди. Баскетбол, бадий гимнастика ва кураш бўйича мусобақаларда яхши натижа қайд этган мазкур илм маскани жамоаси 2006 йилда Қашқадарё вилоятида уюштирилаётган «Ўмид нихоллари»нинг финалида ҳам қатнашишни ниёт қилиб турибди. Айни кунларда гимназия мактаби спорт залларида «Ўмид нихоллари» мусобақаларига тайёргарлик машқлари бошланиб кетган. Айниқса, бадий гимнастика ва кураш бўйича тайёргарликни пухта қилаётган ёш спортчиларнинг совринли ўринларга даъвогарлик қилишларига ишонмай иложи йўқ. Ўмид қиламизки, ёш спортчилар ўз муҳлислари ишончини оқлашди.

(Ўз муҳбиримиз)



ТАБАССУМ

Ароқхўр:

— Биродар, сен мени тўйгунимча ичир!

— Ушанда мен сенга «ернинг одам атрофида айланишини» кўрсатаман. Мириқиб томоҳа қиласан!

Судда бир кишини сўроққа туттишяпти:

— Сиз уч қаватли уй, тўртта «Мерседес» автомобили, дала ҳовлининг соҳибисиз, шундайми?

— Худди шундай.

— Сиз бу молу мулкларни халқнинг маблағи ҳисобига сотиб олганингни бўйинингизга оласизми? — Жаноб судья, халқда шунча маблағ бор, деб ўйлайсизми?

Уйга нотаниш аёл кириб келди: — Эрингиз уйдами? — сўради аёл хонадон бекасида.

— Йўқ командирова. Икки ҳафтадан кейин келади.

— Начора, эрингиздан алимент ундириш учун икки ҳафта шу ерда кутаман.

Анъана давом этади

ЎЗБЕКИСТОН ТЕННИС
ЮЛДУЗЛАРИ — БОЛАЛАРГА

Ёшлар мамлакатимизнинг порлоқ келажаги, эртанги кунимиз, эркин ва фаровон ҳаётимизнинг ишончли таянчи бўлиб етишишлари учун бор имкониятларни ишга солиш, уларнинг қизиқиш ва интилишларини қўллаб-қувватлаш ҳамда оммавий ахборот воситаларида спорт тадбирларини тарғиб қилишни янада кучайтириш спортнинг оммалашувида муҳим ҳисса бўлиб қўшилади.

Теннис клубларининг «Очиқ эшиklar» кун муносабати билан «Хадра» теннис клубида «Ўзбекистон теннис юлдузлари — болаларга» йўналишида қизиқарли спорт ўйинларидан тuzилган мусобақа бўлиб ўтди. Ҳар йили ўтказилиши анъанага айланган ушбу мусобақада шаҳардаги теннис клубларида машғулотларда қатнашаётган 6 ёшдан 10 ёшгача бўлган ёш теннисчилар иштирок этишди. Ўзбекистон теннисининг ифтихорлари — Ирода Тўлаганова, Вадим Куценко, Окгул Омонмуродова ва Иванна Исроиловалар ёш теннисчиларнинг ўртасида бўлган мусобақаларда ҳакамлик қилишди ва бевосита ўзлари ҳам иштирокчи айланишди. Мусобақага йи-

рилган 80 нафарга яқин ёш теннисчилар тўрт гуруҳга ажралиб турли спорт ўйинларини ўтказишди.

Ёш теннисчилар ҳаётида муҳим бурилиш ясаши мумкин бўлган тадбир Тошкент шаҳар ҳокимлиги, «Камолот» ёшлар ижтимоий ҳаракати Тошкент шаҳар бўлими, Ўзбекистон Теннис федерацияси ва «Хадра» теннис клуби ташаббуси билан ташкиллаштирилди.

Мусобақа ғолиблари ва фаол иштирокчиларга эсдалик совғалари топширилди.

Соҳиба УМАРОВА
СУРАТЛАРДА: «Хадра» теннис кортида ташкил этилган тадбирдан лавҳалар.

Сергей Любич
олган суратлар



Сўзсиз сурат

Абдурасул Ҳақимов чизган расм.

ТИЖОРAT ХАБАРЛАРИ ВА ЭЪПОНЛАР

ТИЖОРAT ХАБАРЛАРИ ВА ЭЪПОНЛАР

ДИКҚАТ, АУКЦИОН!
ХУРМАТЛИ ТАДБИРКОР ВА ИШБИЛАРМОНЛАР!

Давлат Мулки қўмитасининг Тошкент шаҳар бошқармаси ҳузуридаги «POYTAHT AUKSION» давлат унитар корхонаси 2004 йилнинг 13, 16, 20, 23, 27, 30 январь кунлари аукцион савдоларини ўтказди

Савдоларга қуйидаги объектлар қўйилади:

— Банкрот деб эълон қилинган «Литейиш» ширкатига қарашли «XIN TUO» русумли кичик трактор. Бошланғич нархи 4 753 560 сўм;
— Банкрот деб эълон қилинган Тошкент шаҳар, Ҳамза туманида жойлашган «1-SON TOSHKENT UY-JOY QURILISH KOMBINATI» акционерлик жамиятининг мол-мулкларини. Бошланғич нархи 1 230 151 000 сўм.

2004 йилнинг 13, 17, 20, 24, 27 февраль кунлари юқоридагиларга қўшимча тарзда аукцион савдоларини ўтказди

Савдоларга қуйидаги автотранспорт воситаси қўйилади:
— 1999 йилда ишлаб чиқарилган, техник соз, давлат рақами 10 Р 16-32 бўлган «НИССАН МАКСИМА» (автомат қоробка). Бошланғич нархи 18 000 000 сўм.

Аукцион савдоларида қатнашиш учун аризалар қабул қилиш

савдодан бир соат аввал тўхтатилади. Савдолар соат 11-00 да бошланади.

Савдода қатнашиш истагини билдирган талабгорлар объектнинг бошланғич нархидан 10 фоизи микдоридagi закалат пулини «POYTAHT AUKSION» давлат унитар корхонасининг «Ўзўйжойкамфармабанк» Тошкент шаҳар бўлимидаги ФА 00425, СТИР 204399967, 20210000804243151001 ҳисоб рақамига тўлайдилар.

Савдо Тошкент шаҳри, Миробод тумани, Мовароуннаҳр кўчаси, 16 «А» уйда ўтказилади.
Телефонлар: 133-23-40, 133-02-49.

Ушбу газетанинг 19 ноябрдаги 225-сонидa эълон қилинган «О'ЗРАХТАМАШ» очик турдаги акционерлик жамиятининг Тошкент шаҳар, Мирзо Улуғбек тумани, Тўлпановский тор кўчаси, 92-уйда жойлашган, умумий майдони 5503 квадрат метр бўлган уч қаватли цех биноси, бошланғич нархи 59 390 300 сўм ҳамда бошланғич нархи 1 641 300 сўм бўлган умумий майдони 250 квадрат метр бўлган бир қаватли цех биносининг аукцион савдоларида олинганлигини маълум қилади.

«POYTAHT AUKSION» давлат унитар корхонаси томонидан 2004 йилнинг 6 январь куні ўтказилган аукцион савдоси натижалари бўйича

Тугатилётган «Карвон Банк» хусусий очик акциядорлик-тижорат банкига қарашли қуйидаги автотранспорт воситалари:

— давлат рақами 10 AI 586 бўлган «ТИКО» 2 600 000 сўмга, давлат рақами 10 AT 186 бўлган «Дамас» 2 800 000 сўмга, давлат рақами 10 AP 651 бўлган «Нексия» 3 400 000 сўмга, давлат рақами 10 AT 185 бўлган «Дамас» 2 800 000 сўмга, давлат рақами 10 AT 136 бўлган «Дамас» 3 000 000 сўмга, давлат рақами 10 AI 587 бўлган «Дамас» 2 600 000 сўмга, давлат рақами 10 AT 135 бўлган «Дамас» 3 000 000 сўмга, давлат рақами 10 AP 572 бўлган «Нексия» 3 100 000 сўмга;

— давлат рақами 10 UZ 904 бўлган УАЗ-31514012. 750 000 сўмга;

— давлат рақами 10 AH 128 бўлган УАЗ-31512. 650 000 сўмга сотилганлигини маълум қилади.



Кўнгил учун мусиқа, мулоҳаза учун ахборот. Пойтахт ўз радиосини танлайди «Пойтахт-Информ».

Тошкент шаҳар, Чилонзор тумани ҳокимининг 2003 йил 24 январдаги қарори билан Тўйчиева Ҳабиба Тўхтасиновна номига берилган №0814624 рақамли якка тартибдаги тадбиркорлик гувоҳномаси йўқолганлиги сабабли

БЕКОР ҚИЛИНАДИ

Абу Райҳон Беруний номидаги Тошкент Давлат техника университети ректорати ва қасаба уюшмаси, ижтимоий-гуманитар фанлар факультети жамоаси сесташулуслик ва социология кафедрасининг катта ўқитувчиси Сурайё Мағрупова Толиповага воқоиди муҳтарамаси

Мамлакат ая
ЗУФАРОВАНИНГ
вафот этганлиги муносабати билан чуқур таъзия изҳор қилад.



Муассис:

Тошкент шаҳар ҳокимлиги

Бош муҳаррир
Акмал АҚРОМОВ

Манзиллари: 700000,
Тошкент шаҳри,
Матбуотчилар кўчаси, 32

ТЕЛЕФОНЛАР:

хатлар — 133-29-70;

Эълонлар:

133-28-95, 132-11-39;

факс: (3712) 133-21-56;

Хажми — 2 босма таъб. объект

усулида босилади.

5576 нускада босилади. Кўпчи бичими А-3

Газета Тошкент шаҳар
Матбуот ва ахборот
бошқармасида 1-рақам
билан рўйхатга олинган.

Душанба, сешанба, чоршанба,
пайшанба ва жума кунлари чиқади.

Нашр кўрсаткичи — 563

Нашрини етказиб бериш мисаллари бўйича турар жойлардаги почта бўлимларига ёки «Тошкент почтамптига» — 133-7405 телефонига мурожаат қилишнинг мумкин.

Газета «Тошкент оқшоми»нинг компьютер марказида терилди ва саҳифаланди.

«Шорк» нашриёт-матбаа акциядорлик компанияси басмахонаси. Корхона манзили: «Буюк Турон» кўчаси, 41-уй.